

ای صاحب تدبیر و معارض تقدیر

عکادن قرادن بیروته گنمکدن مراد عالیلری مکشوف یاران الهی ایدی ذات مدبرانه لرینه موجب تنبّه اولمق مقصدیله قرادن گنمکدن منع و بحرّاً عودتکزه تصریحاً تنبیه ایدلدی فقط ذاتکز مقصدکز بزه مجهولدر ظنّیله بشقه درلو بر تدبیره قالقشوب صیدایه تشریف و اورادن قصره عودت بیورجقلری مسلّمدر حین حرکت بو مقصدکزی تصریح ایده جگم اّمّا شاید منع ایدیلور یاخود اغبرار قلبکزه موجب اولور ملاحظه سیله بر شیء دیمیه جگمه سبب مستقندر فقط حسب المحبّه سزه بر محبّت روحانیه اولدیغیچون بر شیء افاده ایده جگم او ده بودر که حضرت مسیح علیه السّلام بیورمشدر شعشعه و شوقی جهانی نورانی ایده جگ بر شمع شب افروزی کیمسه دمیردن بر فنار و فانوسک آلتنده براقمز بو سوزه دقّت ایله بلکه او شمع نورانی بی غایت پارلاق بر فنار ایچنده یاقارلر بو اشاره بی بشارت ییل سرّ حقیقت شمس هویت افقی فوق العاده حلاوتلی اوله جقدر قرا بلوط ایله مختفی اولمز آکلا بو کنایتی الواح الهیه منشوردر یعنی هرکس نزدنده مشهوردر مطویّ و مخفی بولنمز فهم ایت بو صراحتی انصافک وار ایسه اشته سکا حجّت بالغ اولدی سنی حضرت احدیّته حواله ایدرم یاورم گوزم والسّلام ع ع

۱۷ صفر سنه ۱۳۱۶

---

این سند از [کتابخانه مرجع بهائی](http://www.bahai.org/fa/legal) داندلده شده است. شما مجاز هستید از متن آن با توجه به مقررات مندرج در سایت [www.bahai.org/fa/legal](http://www.bahai.org/fa/legal) استفاده نمایند.

آخرین ویراستاری: ۱۷ آوریل ۲۰۲۳، ساعت ۵:۰۰ بعد از ظهر